

范文正公集

五

范文正公別集目錄

後學時兆文校正

後學黃姬水校正

後學李鳳翔校正

十五世孫啓乂同校

十六世孫惟元同校

第一卷

古詩

寄石學士

江樓寄希元上人

酬和黃太博

滕子京以真籙相示因以贈之

送徐登山人

匣劍

南園

行歌

明月

南樓

送陳瓌秀才遊金陵

過方處士舊隱

律詩

送歐伯起

九日

送虎丘長老

寄潤州龐籍

送湛公歸四明講席

和龐醇之見寄

依韻和胡使君書事

贈吳秀才

依韻和龐殿院見寄

依韻和魏介之同遊玉仙壇

依韻和介之未開菊

依韻酬池州錢綺翁

寄題溪口廣慈院

堯舜率天下以仁賦

君以民爲體賦

六官賦

鑄劔戟爲農器賦

任官惟賢材賦

從諫如流賦

聖人大寶曰位賦

賢不家食賦

窮神知化賦

乾爲金賦

王者無外賦

第三卷

易兼三材賦

淡交若水賦

養老乞言賦

得地千里不如一賢賦

體仁足以長人賦

陽禮教讓賦

天驥呈才賦

稼穡惟寶賦

天道益謙賦

聖人抱一爲天下式賦

政在順民心賦

水火不相入而相資賦

第四卷

十六羅漢因果識見頌序

竇諫議錄

上張侍郎

上大名府主王侍郎啓

賦林衡鑑序

賀胡侍郎致仕

知杭州謝兩地啓

移蘇州謝兩府

謝夏太尉

謝賀王啓

論西事劄子

道服贊

釣臺詩

送饒州董博士

送徐允升歸九華

遺文

范文正公集目錄終

范文正公別集第一

後學時兆文校正

後學黃姬水校正

後學李鳳翔校正

十五世孫啓乂同校

十六世孫惟元同校

古詩

寄石學士

家有清白志所寶甌中塵休去無生涯老來猶苦辛一
麾了婚嫁萬事蠹精神與君嘗大言定作青山隣蹭蹬
未携手得無羞故人

江樓寄希元上人

清言一以遙默默江樓上安得如白雲無心兩相忘

酬和黃太博

古籍東南美蔚蔚幙中議懿行希聖賢高文粲游賜伊
余髮已禿偶繼立朝士何以宣王政甘爲時所棄酌以
廣州泉不易伯夷志直哉心如絃安慮道邊斃竊嘗力
於古秉筆庶幾至孰爲未聞達聊以道幽秘夫君鏘以
名尤爲世之器贈我百餘言升堂出而示土木朽且陋
黼黻謬增賁毋塩煩刻畫返朴吾所愧華勛愛士心蓬
壺延才地何人薦於子當彼得言位吐以胸中奇落落金
玉繼九虛高可游凌厲垂天翅吾將退而隱尚得榮其視
滕子京以真錄相示因以贈之

泰山采芝人吏隱清淮濱金函秘寶籙奉之如高真謂
子有仙志興言一相示叩頭鳴天鼓玉書粲然異白雲
引輕素朱絲聞靈篇題云天寶歲傳於任鳳仙兵火換
九州于茲三百年非有靈物持此書安得全綠字起龍
蛇丹文掛星斗六甲當奉行百神廼奔走密密天上語
忽忽人間有與君置青山解冠松桂間服此上清籙上
清庶可攀無爲塵土中草草凋朱顏

送徐登山人

重君愛詩書孜孜不知老白髮未理生惟談聖人道愛
君妙山水所得是神氣尺素寫林巒邈有千里意今日
江南行孤雲無繫程直指九華峰去掃先君坐却來華
陽川與我溪上盟行歌紫芝秀坐嘯清風生練真變金

骨飄飄朝玉京結成物外游忘此天下情

匣劍

靈劍經年匣決雲誰爲高報人如有道何認問吹毛

南園

南園萬樹花極目春芳麗林下老成人相招植松桂

行歌

行歌春滿路坐歌春滿園花前人自樂桃李豈須言

明月

明月照前墀朱絃奏流水清風如未回敢望無雲起

南樓

南樓百尺餘清夜微埃歇天會詩人情遺此高高月

送陳瓌秀才遊金陵

君有江南行爲君歌以喜龍盤山萬曲練靜江千里江
山不可空台星照吳中相國龍西公時鎮金陵古來主謝地今有
周召風而間楊誥與鄭戡萬文光相映煌煌聚宰府金
陵一何盛此去知己賢雅客情無邊白雲起江樹明月
逐江舡雲月共徘徊優哉如遊仙歸來笑春風白日登
青天

過方處士舊隱

某景祐初典桐廬郡有七里瀨子陵之釣臺在而乃以
從事章岷往構堂而祠之召會稽僧悅躬圖其像於堂
洎移守姑蘇道出其下登臨徘徊見東嶽絕碧白雲徐
生云方干處士之舊隱遂訪焉其家子孫尚多儒服有
楷者新策名而歸因留一十八言又圖處士像於嚴堂

之東壁楷請刊詩于其左

詩見前集

送歐伯起

天與神交忽解携
一溪風月更同誰
自慙蕭洒如猿鶴
却向周郎怨別離

九日

欲賦前賢九日詩
茱萸相鬪一枝枝
可憐宋玉情無限
爭似陶潛醉不知
綠鬢愛隨風景變
黃華能與歲寒期
登高迥處狂多少
笑殺襄陽拍手兒

送虎丘長老

暫向天台叅衆真
虎丘風月遠隨身
瓊臺肯便長棲去
無限人間未度人

寄潤州龐籍

北固高樓海氣寒
史君應此凭欄干
春山雨後青無限
借與淮南洗眼看

送湛公歸四明講席

滿面南風指四明
山長水曲不勝情
自言此去雲林下
惟講華嚴報太平

和龐醇之見寄

北樓千尺午猶寒
冉冉飛塵不可干
橫望滄溟了無際
貴人休向畫圖看

依韻和胡使君書事

都督再臨橫海鎮
集仙遙輟內朝班
清風又振東南美
好夢多親咫尺顏
坐嘯樓臺凌皓月
行春鼓吹入青山
太平天子尊耆舊
八十王祥未賜閑

贈吳秀才

萬戶侯家幾葉孫，弟兄紅旆獨烏巾。
攜琴又入廬山去，誰信朱門有逸人。

依韻和龐殿院見寄

二十年前已定交，而今鵬鷁各逍遙。
但能賈傅親前席，何必蕭生意本朝。
直節羨君如指佞，孤根憐我異凌霄。
凌霄花名生且有託莫將富貴移平昔，彼此清心髮半凋。

依韻和魏介之同遊玉仙壇

雲壇共上百神清，碧塢紅霞相照明。
幽草欲迷丹井處，亂峯依舊白雲生。
亭亭翠蓋高杉矗，險險狂雷落石轟。
待得九霄鸞鶴馭，玉書應改地仙名。
本傳云玉作遼地仙也

依韻和介之未開菊

本非桃李色佳節敢先開席上無言晚霜前幸未摧芳
心應有待眞賞直須催願上金樽壽何傷蝶不來

依韻酬池州錢綺翁

天涯彼此勿冲冲内樂何須位更崇白髮監州身各健
青山遶郭景多同日高窓外眠方起月到樽前宴未終
况在江南佳麗地重陽猶見牡丹紅

鄱陽牡丹有四時開者

寄題溪口廣慈院

越中山水絕纖塵溪口風光步步新若得會稽藏拙去
白雲深處亦行春